

## 2. gr.

Þeir, sem heita erlendum nöfnum, skulu þó ekki öðlast íslenzkan ríkisborgara-  
rétt með lögum þessum, fyrr en þeir hafa fengið íslenzk nöfn samkvæmt lögum um  
mannanöfn.

## 3. gr.

Lög þessi öðlast þegar gildi.

*Gjört að Bessastöðum, 21. apríl 1962.*

**Ásgeir Ásgeirsson.**

(L. S.)

*Bjarni Benediktsson.*

**L Ö G**

um breyting á lögum nr. 23 6. maí 1955, um landshöfn í Keflavíkurkaupstað  
og Njarðvíkurhreppi.

**FORSETI ÍSLANDS**

*gjörir kunnugt:* Alþingi hefur fallizt á lög þessi og ég staðfest þau með sam-  
þykki mínu:

## 1. gr.

4. gr. laganna orðist þannig:

Stjórn hafnarinnar skipa 5 menn: þrír kosnir af sameinuðu Alþingi, einn  
kosinn af bæjarstjórn Keflavíkur og einn af hreppsnefnd Njarðvíkurhrepps. Hafn-  
arstjórn skal kosin til fjögurra ára í senn. Ráðherra sá, sem fer með hafnarmál,  
skipar formann hafnarstjórnar úr hópi stjórnarmanna.

Hafnarstjóri skal ráðinn sem fastur starfsmaður hafnarinnar og skipaður í  
starfið af áðurnefndum ráðherra. Hafnarstjóri skal hafa framkvæmdastjórn og  
daglegan rekstur hafnarinnar með höndum. Hann situr fundi hafnarstjórnar og  
hefur þar tillögurétt.

## 2. gr.

Lög þessi öðlast þegar gildi.

**Ákvæði til bráðabirgða.**

Við gildistöku laga þessara skulu bæjarstjórn Keflavíkur og hreppsnefnd Njarð-  
víkurhrepps kjósa hvor um sig mann í stjórn landshafnarinnar, og skal kjörtími  
þeirra vera til ársloka 1965.

*Gjört að Bessastöðum, 21. apríl 1962.*

**Ásgeir Ásgeirsson.**

(L. S.)

*Emil Jónsson.*